

三藩紀事本末


全



国立国会図書館 タイトル『三藩紀事本末4巻』 請求記号 222.063-Y661s

ガラス使用





222.063  
Y661s  
W



国立国会図書館 タイトル『三藩紀事本末4巻』 請求記号 222.063-Y661s

ガラス使用



史紀本  
14

東亞研究所  
藏印

64313

三藩紀事本末  
卷四





三藩紀事  
本末  
采南氏題





222-063  
Y661/s



聞成肆逆禍及君后明之子孫臣庶不

能討



聖朝念萬古君臣之義不可以不正共怒

興師逆成西竄勝朝不共之仇藉以復

為

真人出而大難平乾坤之位定矣有明諸

藩誠思復仇之大德痛餘氛之未除憑

第

84293





藉威靈共剪殘孽迨乎罪人斯得藉  
土來歸庶幾上順天心下從民願度德  
量力計無喻此昔殷辛失德微子抱器  
歸周夫子刪書不以微子之不正位號  
為罪而亟稱之曰仁當是時取殷之天  
下者周也視

聖朝之取天下於周而且為明之子孫臣

庶復不共之仇者彼此相衡判若天壤  
乃微子可以歸周諸藩頽思偕號自立  
仁者固如是乎秦人失鹿楚人攫之與  
楚人爭之可也與攫楚之人爭之不可  
也何也義不可也且向也以全盛之天  
下授之羣盜今也以破殘之疆土衡抗  
天朝天既散明德尚思挺而走險豈惟違



乎仁悖乎義云爾哉抑亦不智甚矣然  
猶藩之者何也曰不沒其寔正所以不  
予其僭也其寔藩也則明之祖宗未嘗  
以統授之也明之百姓未嘗以統歸之  
也上不以統授下不以統歸而妄干大  
號是僭而已矣僭竊之人以王法之所  
不宥然則諸藩之隨起隨滅身膏斧鑕

夫亦其自取焉尔若夫擁立諸臣獨無  
罪乎夫伊尹五就管仲一造苟審所優  
負而為之君子且不以爲過不然則首  
陽餓夫不聞佐武庫以倡亂也審此而  
諸臣之爲功爲罪瞭若指掌矣酉春多  
暇檢閱遺編凜大命之莫干悼王行  
一自絕曰類次其事而書之卷首時




永熙五十六年歲次丁酉仲春下浣青  
楊陸榮采南氏書

三藩紀事本末

凡例

一是編悉遵 本朝正朔各藩所僭位號不  
以統年

一是編雖襍採劫灰浮海甲子江人事江難  
也是遺聞編年遂志等書然一以王大司  
農奉 旨分編之史傳爲正故與野史所  
載微有異同  
一論斷必具史才叙而不論以俟作者





一編中間有一二不見正史止據野史收入  
閱者倘確知其失實幸即賜教以便改正  
一編中搜羅未廣倘有家藏善書或賜借觀  
或賜函教以便增入

采南氏識

三藩紀事本末目錄

卷一

三藩僭號

四鎮萬誠

卷二

馬阮之奸

卷三

王師平南浙東

王師平閩



三藩紀事本末 目錄





金王收江右

李成棟收粵東

魯藩據浙東

益藩擾湖東 附傳揭

卷三

楊劉萬殉贛

金王之亂

南征

何騰蛟殉楚

瞿式耜殉粵

孫李構隙

孫李奔北

卷四

永明入緬

檄緬取王

蜀亂

鄭成功之亂

襍亂









為行宮四月監國十五日僭卽位稱明年為弘光元年

順治元年甲申五月王名史可法高弘圖馬士英入

閣辦事姜目廣王鐸俱為大學士張慎言為吏部尚

書

以總兵黃得功高傑劉澤清劉良佐分鎮淮上史可

法開府揚州督其軍

六月命禮部鑄國璽以金代之

名劉宗周為都察院左都御史宗周疏論時事一言

據形勝江左非偏安之業宜以親征之師東阨淮徐

北控豫州西顧荆襄漸恢漸進一言重藩屏路振飛

坐守淮城久以家眷浮舟遠地劉澤清高傑亦有家

口寄江南之說是二鎮一撫皆可斬也一言慎爵賞


各帥封賞孰應孰濫宜嚴加分別如左帥以恢復而

封高劉以敗逃而亦封將誰為不封者武臣既濫文

臣隨之外廷既濫中璫隨之臣恐天下聞而解體也

一言覈舊官燕京既陷有受偽官而逃者有在封守

而逃者有在使命而逃者宜分別定罪又言賊兵入





秦踰晉直逼京師大江以南二三督撫坐視君父之危亡未嘗遣一騎入援既而大行之凶問確矣督撫諸臣仍復安坐地方止圖定策之功未嘗肯移一步泊乎新朝既立自應立遣北伐之師而諸臣之計又不出此紛紛制作盡屬體面更難解者先帝升遐喪詔距今月餘浙中尙未頒至近省如此遠省可知仰惟陛下再發哀痛之詔立興問罪之師請自中外諸臣之不職者始未幾宗周予告去

遣太監王肇基督催閩浙金花銀兩

肇基原名坤

上崇禎帝諡曰思宗烈皇帝周皇后曰孝節皇后既易思爲毅

追尊建文君爲惠宗讓皇帝景泰爲代宗景皇帝復懿文太子爲興宗孝康皇帝尊皇考福恭王爲恭皇帝尋改孝皇帝立專廟

削溫體仁文忠諡允禮部尙書顧錫疇請也未幾錫疇以請削溫諡奪職

釋高墻罪宗七十五案予大學士文震孟諡文肅劉一璟諡文端賀逢聖諡



文忠禮部侍郎羅喻義諡文介詹事姚希孟諡文毅  
兵部尙書呂維祺諡忠節山西巡撫蔡懋德諡忠襄  
隨州知州王燾諡忠愍懋德諡尋奪

吏科馬嘉植疏陳立國本事一改葬梓宮一迎養國  
母一訪求東宮二王一祭告燕山陵寢

命總兵王之綱迎太妃於河南郭守義家洛陽之變  
太妃與妃各依人自活至是迎之隨諭工部於三日  
內搜括萬金以充賞賜

御史祁彪佳請禁革詔獄緝事廷杖三弊政時議復  
廠衛人心皇皇故彪佳言之戶科給事中吳适亦言  
先帝十七年憂勤曾無失德止有廠衛一節未免府  
怨臣民陛下試思先朝之何以失即知今日之何以  
得疏入俱不省

八月以逆案原任光祿卿阮大鍼爲兵部右侍郎未  
幾轉左於是太僕少卿楊維垣徐景濂給事中虞廷  
陞郭如閻御史周昌晉陳以瑞徐復陽編修吳孔嘉  
叅政虞大復輩皆相繼起用

命錦衣都督馮可宗遣役緝事禮科給事中袁彭年





言相傳文皇帝十八年始設東廠然不見正史嗣後  
一盛於成化西廠汪直踰年即罷再盛於正德逆瑾  
煽虐天下騷然三盛於天啟逆魏之禍幾危社稷頃  
先帝亦嘗任廠衛緝訪矣乃當世遂無不營而得之  
官中外自有不脛而走之賄廠衛之盛衰關世運之  
治亂不可不革疏入謫浙江按察司照磨

詔選宮女及內員廷臣交章諫不聽

九月予北京殉難諸臣諡大學士范景文文貞戶部  
尚書倪元璐文正左都御史李邦華文忠副都御史

施邦曜忠介戎政侍郎王家彥忠端刑部侍郎孟兆  
祥忠貞大理寺卿凌義渠忠清太常寺卿吳麟徵忠  
節庶子周鳳翔文節諭德馬世奇文忠中允劉理順  
文正簡討汪偉文烈太僕寺寺丞申佳胤節愍給事  
中吳甘來忠節御史陳良謨恭愍陳純德恭節王章  
忠烈吏部員外許直忠節兵部主事成德忠毅金鉞  
忠節觀政進士孟章明節愍立祠賜名旌忠勳戚惠  
安伯張慶臻忠武襄城伯李國楨貞武新樂侯劉文  
炳忠壯左都督劉文耀忠果駙馬都尉鞏永固貞愍





太監王承恩王之心忠愍李鳳翔恭壯大同巡撫衛  
景瑗忠毅宣府巡撫朱之馮忠壯總兵吳襄忠壯周  
遇吉忠武補予大學士孫承宗文忠太常少卿鹿善  
繼忠節

工部主事王鍾彥經歷施溥中書舍人宋天顯各予  
祭葬

開納貢助工例  
十月朔命鑄弘光錢

以楊維垣為通政使維垣亟謀起官禮部尚書錢謙

益力薦之謙益東林領袖至是附和馬阮為天下所

笑明年二月維垣進左副都御史

修興寧宮慈禧殿時廟門告火鳳陽祖陵一日三震

而王荒酒漁色工費無度識者知其不堪旦夕矣

十一月補予大學士孔貞運諡文忠薊遼總督吳阿

衡忠毅簡討胡守恆文節

二年乙酉正月元旦日有食之

重刊要典楊維垣既任事追論三案力詆王之寀楊

漣等一而為劉廷元霍維華等訟寃請重定欽案章下





三藩紀事本末 卷一 六  
吏部尙書張捷力稱維華等忠請表章三案諸臣追  
賜卹典贈蔭祭葬諡全者霍維華劉廷元呂純如楊  
所修徐紹吉徐景濂等六人贈蔭祭葬不予諡者徐  
大化范濟世等二人贈祭葬者徐揚先劉廷宣岳駿  
聲等三人復官不賜卹者王紹徽徐兆魁喬應甲等  
三人他若王德完黃克纘王永光章光岳許鼎臣徐  
卿伯陸澄源等雖名不麗於逆案而爲清論所不  
者亦賜卹有差唐世濟楊兆升等復起用袁洪勳請  
追論焚要典諸臣罪寧南侯左良玉江督袁繼咸皆

言要典不必重頒不聽

二月禁宗室入京師

阮大鍼進本部尙書兼右副都御史仍閱江防

予吏部侍郎顧起元諡文莊都督劉源清諡武節

四月從逆光時亨周鍾武愷伏誅本兵張縉彥首從

賊仍授原官總督河北山西河南軍務其他大僚降

賊者賄入輒復原官

五月大兵渡江王奔蕪湖十五日大兵追至蕪

湖執王北去丙戌五月賜死



唐王名聿鍵端王碩熹孫父器城先死聿鍵於崇禎  
五年嗣立後因率兵勤王擅離南陽錮高階會救出  
南都勿守搃兵鄭彩鄭鴻逵撤師回閩適王自河南  
來因奉之至福州與福建巡撫張肯堂巡按御史吳  
春枝在籍禮部尙書黃道周南安伯鄭芝龍等會議  
立王監國鴻逵請正位不然無以壓衆心諸臣以監  
國名正候出關建號未遲李長倩有急出關緩正位  
示監國無富天下心一疏而擁立者艷推戴功不數  
日卽定議僭卽位於福州時順治乙酉閏六月十五

日也改福州爲天興府以布政司署爲行宮大赦僭  
改元隆武

以張肯堂爲吏部尙書李長倩爲戶部尙書曹學佺  
爲禮部尙書吳春枝爲兵部尙書周應期爲刑部尙  
書鄭瑄爲工部尙書八閩俱設巡撫  
起蔣德璟黃景昉黃道周蘇觀生何楷陳洪謐林欲  
楫朱繼祚黃鳴俊皆爲大學士曾櫻何吾騶郭維經  
葉廷桂以次至閩皆令入閣辦事閣臣至三十餘人  
然不令稟旨皆王親爲之



三藩紀事本末 卷一  
封鄭芝龍爲平鹵侯鄭鴻逵爲定西侯鄭芝豹爲澄  
濟伯鄭彩爲永勝伯戰守機宜悉芝龍爲政於是集  
議戰守兵自仙霞關而外宜守者一百七十處計兵  
十萬戰兵如之合閩浙兩粵之餉不足供兵食乃令  
撫按以下捐俸助餉官助之外有紳助紳助之外有  
大戶助借徵錢糧大鬻官爵王屢責芝龍出師於是  
議兵一出浙東一出江西然每云餉乏終無一兵出  
關也

改庶吉士爲庶萃士

十月會妃至妃警敏頗知書每群臣奏事妃於屏後  
聽之共決進止王頗嚴憚焉

順治三年丙戌正月王以鄭鴻逵爲大元帥出浙東  
鄭彩爲副元帥出江西旣出關不行未幾稱餉絕而  
還

命黃道周督師出江西道周憤鄭氏無出師意乃請  
募兵江西王給空劄百函持一月糧以行道周出衢  
州至婺源爲我兵所擒死之  
蔣德璟疏請行關遂告病去



二月王親征駐建寧楚撫何騰蛟江右楊廷麟皆有  
疏來迎王欲往江右芝龍固請還師乃駐劔津

王子生大赦

六月鄭芝龍還安平八月王決計赴贛二十一日啟  
行二十四日抵順昌 大兵追及獲之與曾妃同斬  
於汀州

永明王各由榔桂王常瀛少子神宗孫初封衡陽張  
獻忠陷衡州桂王避於梧州乙酉王薨於梧丙戌唐  
王死兩廣總督丁魁楚與廣西巡撫瞿式耜會議監

國閣學兵部尙書呂大器原任兵部尙書李永茂俱  
至以丙戌十月十四日稱監國十一月僭改元永曆  
以肇慶府署爲行宮

以丁魁楚呂大器爲大學士魁楚兼戎政大器兼中  
樞未幾大器辭入蜀

追諡唐藩曰思文

以王肇基爲司禮太監遂擅朝政於是戶部郎中周  
鼎瀚內批予給事中兵部侍郎王化澄內批予尙書  
廷臣爭之不聽





李永茂去以疏薦劉湘客王肇基持之被斥故也

以朱治澗為兩廣總督守肇慶

順治四年丁亥二月以瞿式耜嚴起恒為東閣大學

士

以錦衣指揮馬吉翔掌絲綸房事同票擬

三月進式耜文淵閣大學士兼吏兵兩部尚書守桂

林

五年戊子四月王子生大赦

名舊輔何吾驪黃士俊為東閣大學士

七年庚寅二月下都御史袁彭年少詹事劉湘客給

事中丁時魁金堡蒙正發詔獄彭年以反正功免議

堡與時魁並謫戍湘客正發贖配追賊時朝士各樹

黨從李成棟至者袁彭年曹睭耿獻忠洪天擢潘曾


緯毛毓祥李綺自誇反正從廣西扈行者朱天麟嚴

起恒王化澄晏清吳貞毓吳其雷洪士彭雷得復尹

三聘許兆進張孝起自恃舊臣久之復分吳楚兩黨

主吳者天麟孝起貞毓李用楫堵胤錫王化澄萬翹

程源郭之奇皆內倚馬吉翔外結陳邦傳主楚者袁





三藩紀事本末 卷一  
彭年丁時魁蒙正發劉湘容金堡皆外結瞿式耜內  
倚李元胤元胤成棟子也彭年等附之時號五虎於  
是互相攻詰無虛日王知羣臣水火令盟於太廟然  
黨結益固不可解堡尤恃彊化澄吾駟相繼排去貞  
毓等欲排之而畏元胤不敢發是春王赴梧州元胤  
留肇慶邦傳率兵援廣州貞毓乃合御史程源等十  
四人共詰之 此條入王奔梧州  
六年己丑冬十月封黔鎮皮熊爲匡國公播鎮王祥  
爲忠國公防滇寇也

七年庚寅春正月王奔梧州留馬吉翔李元胤守肇

慶

八年辛卯春二月孫可望遣賀九義殺大學士嚴起  
恒追殺督師兵部尙書楊鼎和於崑崙關并殺給事  
中劉堯珍吳霖張載述等並執閣學楊畏知以歸殺  
之 王氏五  
以吳貞毓爲東閣大學士 十八人  
九年壬辰二月孫可望遷王於安陸所改陸爲隆升  
所爲府後復改爲安龍



十年癸巳二月王使林青陽於李定國約來迎也  
十一年甲午三月孫可望遣鄭國王愛秀至安隆殺  
大學士吳貞毓及張鐫等十八人并議廢后后泣訴  
於王乃止

十三年丙申孫可望自置內閣六部等官以文安之  
爲東閣大學士安之走川東

李定國護王遷雲南

十六年己亥王入緬

十月從官請造庚子曆從之

十八年辛丑緬人執王歸於王師





崇禎甲申封黃得功為靖南伯福王僭立進侯令駐  
儀真命總兵劉澤清為東平伯駐廬州總兵高傑為  
興平伯駐瓜州總兵劉良佐為廣昌伯駐臨淮大學  
士史可法開府揚州兼督其師得功榆林衛人素忠  
勇醉後運雙刀如飛每戰血漬手腕以水需之久乃  
得脫軍中呼黃鬪子建功河北與良玉先得封傑本  
闖賊部將竊自成妻邢氏來歸積功至總兵京城陷  
傑南走福王設鎮淮上諸將皆欲得揚州而傑先至

四鎮

崇禎甲申封黃得功為靖南伯福王僭立進侯令駐  
儀真命總兵劉澤清為東平伯駐廬州總兵高傑為  
興平伯駐瓜州總兵劉良佐為廣昌伯駐臨淮大學  
士史可法開府揚州兼督其師得功榆林衛人素忠  
勇醉後運雙刀如飛每戰血漬手腕以水需之久乃  
得脫軍中呼黃鬪子建功河北與良玉先得封傑本  
闖賊部將竊自成妻邢氏來歸積功至總兵京城陷  
傑南走福王設鎮淮上諸將皆欲得揚州而傑先至





揚民畏傑淫毒不納傑遂攻城掠婦女可法議以瓜  
州予傑乃止九月移鎮徐泗而家屬寓揚得功故守  
廬州可法慮傑難制乃移得功儀真相牽制傑死後  
得功乃駐廬州也時東萊總兵黃蜚將之任蜚與得  
功稱兄弟得功聞其將至率騎三百迎之高郵傑疑  
得功圖已潛帥精卒伏道中得功至土橋方作食伏  
起得功出不意舉鐵鞭走飛矢兩集馬踣騰他騎馳  
有驍將舞槊直前取得功得功反鬪挾其槊而扶之  
復殺數十人聲咆哮如雷躍入頽垣中乃免所隨三

百人無一存者而儀真兵將亦被傑劫殺傷過半得  
功大忿恨歸訴於朝願與傑決死戰可法命萬元吉  
和解之適得功值母喪可法命傑以千金為贖乃止  
傑以得功事解感可法與謀恢復請調得功澤清赴  
邳宿而自提兵趨歸開且瞰宛洛荆襄以為根本可  
法壯之然揣知得功必不為傑後繼故不調仍駐儀  
真傑復具疏言目今大勢守江北以保江南人人言  
之然從曹單渡則黃河無險自頰歸入則鳳泗可虞  
猶曰有長江天塹在耳若何而據上游若何而防海



道豈止爪儀浦采爲江南門戶已耶伏乞和盤打筭  
定期速行中興大業庶有可觀隨發總兵李朝雲赴  
泗州叅將蔣應雄許占魁郭茂榮李玉赴徐州防守  
八月可法巡淮安閱澤清軍隨具疏請餉爲進取計  
九月巡儀真閱得功軍十月聞自成敗還陝西傑卽  
率兵進可法赴清江浦遣官屯田開封爲經略中原  
根本時諸將各分汛地自王家營至宿遷最衝要可  
法自任之十月王師致書可法以春秋之義有賊  
不討則故君不得安葬新君不得卽位今聞有僭號

江南者棄恩忘仇將謂長江天塹北軍不能飛渡耶  
夫以中華全力受制潢池而欲以江左一隅抗衡大  
國勝負之數不待蓍龜矣諸君子果識時知命厚愛  
賢王宜勸令削號歸藩永綏福位可法答書言有賊  
未討新君不得卽位乃不忍死其君者之說耳若夫  
天下共主身殉社稷青宮皇子慘變非常而拘牽不  
卽位之說坐昧大一統之義中原鼎沸倉卒出師將  
何以維繫人心號召忠義紫陽綱目踵事春秋其間  
如光武昭烈晉元宋高皆於國仇未報之日亟正位





號綱目未嘗斥為自立又言契丹和宋多輸金帛回紇助唐不利土地况貴國萬念世好兵以義動今賊未伏天誅捲土西秦方圖報復此不獨本朝不共戴天之仇亦貴國除惡未盡之慮伏祈合師進討問罪秦中至於牛耳之盟本朝使臣久已盈道十一月我兵入宿遷可法令劉肇基李棲鳳復之未幾大兵圍邳州肇基援之相持半月而解十三日傑至徐州遺書大軍約同滅闖賊大軍回言同滅闖賊其事不合與予言且勸其棄暗投明擇主而事

我副將唐起龍父唐虞時亦致書於傑勸之早降有大王小侯世世茅土之語傑並不從乃沿河築牆專力備禦又具疏請以重兵駐歸洛聯絡河南總兵許定國以奠中原且以銀幣貽定國與結好時聞我豫王將由孟縣過河河南撫鎮接踵告警傑遺書澤清言彼軍若一越渡則長江迤北盡為戰場時事至此令人應接不暇澤清以聞馬士英疏稱清兵雖屯河北然賊勢尙張不無後慮豈遂投鞭問渡乎况疆弱何常赤壁三萬淝水八千惟在諸將刻厲之而已時





陳洪範奉使燕都還亦言 清兵萬分緊急士英惡  
之日有四鎮在何慮 大兵至夏鎮別由濟寧南下  
一從雒陽攻海州圍鄧州可法傑澤清各具疏告急  
不應十二月 大兵下邳宿可法飛章報聞不應乙  
酉正月傑抵歸德約定國同事時定國駐睢有言其  
送子渡河者傑遣人邀定國不至傑因邀巡撫越其  
傑巡按陳潛夫同赴睢定國郊迎其傑諷傑勿入城  
勿聽十三日傑兵已盡發開封戍守且邀定國去睢  
是夜定國享傑傑醉微言及送子事定國大疑傑既

臥傳炮大呼衆擁傑至定國所殺之其傑潛夫遁明  
日傑部回睢攻城老弱無孑遺定國來降於 王師  
傑爲人淫毒揚民間其死皆相賀然是行也進取之  
志甚銳故時有惜之者可法聞傑死急如徐州爲請  
卹於朝王贈傑太子太保許其子元爵世襲再蔭一  
子錦衣百戶而以傑部李本身爲左都督領傑兵提  
督本鎮赴歸德本身傑甥也故使之後亦來降於  
王師得功聞傑死引兵襲揚州將盡殺其妻子以復  
焉可法急遣同知曲從直解之乃去可法尋歸揚州





三月 大兵入儀封破歸睢進逼江北直下徐賴四  
 月左良玉以清君側為辭提兵下九江急調得功良  
 佐禦之澤清亦托名勤王大掠而東可法連疏告警  
 王曰上游急則赴上游北兵急則赴北兵自是長策  
 可法曰上游不過欲除君側之奸原不敢與君父為  
 難若北兵一至宗社可虞不審輔臣何意矇蔽若此  
 又移書士英士英惟以左兵為慮不應劉洪起亦奏  
 稱 清兵直下恐為南京憂總督王永吉亦言徐鎮  
 勢不能存何以保江北俱不應 大兵渡淮人情鼎

沸十九日名對群臣大理卿姚思孝尙寶卿李之椿  
 等合詞請備淮揚工科給事中吳希哲亦言淮揚亟  
 應脩禦王謂士英良玉雖不該逼南京然看他本上  
 原不曾反如今還該守淮揚士英厲聲曰此皆良玉  
 死黨為遊說不可聽寧可君臣同死於清不可死於  
 左良玉手有異議者斬王嘿然二十日 大兵屯斑  
 竹園總兵李棲鳳監軍副使高岐鳳欲劫可法出降  
 可法叱之二人遂拔營來歸二十四日 大兵薄城  
 下時諸將惟肇基自白洋河以兵四千至請乘 清





三藩紀事本末 卷一 九  
兵未集背城一戰可法不可而止可法血疏告急不  
報劉澤清通欵我朝我朝惡其反覆磔誅之二  
十五日大兵攻城砲發城墻敵樓頃刻崩陷城破  
可法自刎不死叅將其擁之出小東門遂被執諭降  
不從殺之肇基率所部巷戰一軍盡歿副將乙邦才  
馬應魁莊子固樓挺江雲龍李豫副旗鼓叅將陶國  
祚內左營叅將許謹內右營叅將馮國用前營叅將  
陳光玉李隆徐純仁遊擊李大忠孫聞忠都司姚懷  
龍解學曾等皆戰死兵部職方主事何剛入城甫

一日而城破投井死原任兵部尙書張伯鯨被數創  
死妻楊氏子婦郝氏從之時得功破左兵於銅陵收  
軍屯蕪湖五月八日大兵抵江滸京口水師總兵  
鄭鴻逵鄭彩及僉事楊文驄等督兵守江我軍用大  
礮擊江南軍每砲發江水湧激高數丈二鄭帥先遁  
文驄亦逃八日昧爽煙霧蔽江乃縛芻置木楫上順  
流下以給京口兵而大軍潛從龍潭竹哨渡十日  
士英猶有長江天塹之對十一日大兵薄都城士  
英奉王母妃率先遁城中無一卒禦敵者王荒宴至



三藩紀事本末 卷一  
夜半乃奔蕪湖都城破勳臣自趙之龍湯國祚文臣  
自王鐸錢謙益以下文武數百員軍士二十三萬俱  
迎降吏部尙書張捷刑部尙書高倬死之庶僚同死  
者則有楊維垣黃端伯劉成治羅流諸生殉難者則  
有陳於偕吳可箕黃金璽陳士達六合則有諸生馬  
純仁抱石投水死如臯則有布衣許德溥刺字於胸  
曰不愧本朝又刺字於臂曰生爲明人死爲明鬼遂  
被逮殺之邳州則有監生王台輔自縊死王至得功  
軍得功驚泣曰王死守都城各鎮尙可合兵以圖興

復奈何聽奸臣言先出乎 大兵追王十五日及於  
蕪湖得功戰於荻港時良佐已降於我卽陣上招得  
功得功叱之降將張天祿從良佐後射得功中喉偏  
左得功知不可爲擲刀拾所拔箭刺喉以死其妻聞  
之亦自經也摠兵翁之琪投江死中軍田雄挾王出  
降



順治二年乙酉二月鴻臚寺少卿高夢箕密奏先帝太子在浙初甲申之變太監粟宗周王之俊以太子二王獻於李賊賊幽之劉宗敏所至是南來左良玉疏稱吳三桂實有明驗今不可攷三月初一日命太監李繼周往浙召至寓僧寺令內員迎入宮內員報不實尋命移寓錦衣衛都督馮可宗家傅文武官識認大學士王鐸指原任講官方拱乾問曰此何人對曰方先生而講官劉正宗趨上不識也又問先帝親

兩案


順治二年乙酉二月鴻臚寺少卿高夢箕密奏先帝太子在浙初甲申之變太監粟宗周王之俊以太子二王獻於李賊賊幽之劉宗敏所至是南來左良玉疏稱吳三桂實有明驗今不可攷三月初一日命太監李繼周往浙召至寓僧寺令內員迎入宮內員報不實尋命移寓錦衣衛都督馮可宗家傅文武官識認大學士王鐸指原任講官方拱乾問曰此何人對曰方先生而講官劉正宗趨上不識也又問先帝親





鞠吳昌時時東宮立何地不能對於是給事中戴英直詰其偽授以紙筆供稱高陽人王之明係駙馬都尉王昺姪孫家破南奔遇高夢箕家人穆虎教以詐冒東宮王鐸等回奏遂勅法司根究御史陳以瑞奏愚民觀聽易惑將謂諸臣有意傾先帝血脣請勿加刑時有內員上密疏於王王令持示士英上英言細閱密疏其言雖似疑處實多既為東宮幸脫虎口不卽到官說明却走紹興可疑一也東宮厚質凝重此人機辨百出可疑二也公主現養周奎家而云已死

可疑三也臣愚宜付法司窮究主使與臣民共見而棄之越三日鞠於午門外夢箕穆虎皆具服下刑獄士英欲并傾姜黃令法司究主使附逆者寧南侯左良玉具疏言東宮之來吳三桂實有明驗朝廷諸臣但知逢君不顧大體前者李賊逆亂尙錫王封何至一家視同仇敵明知窮究必無別情必欲展轉誅求遂使陛下忘屋烏之德臣下絕委裘之義親親而仁民願陛下省之靖南侯黃得功言東宮之來何人定為奸偽先帝之子卽陛下之子未有不明白付之





刑獄人臣之義謂何在廷諸臣諂徇者多抗顏者少  
 即使明白識認誰敢出頭取禍乎廣昌伯劉良佐言  
 王之明童氏兩案未協輿論懇求曲全兩朝彝倫母  
 貽天下後世口實湖撫何騰蛟言太子到南何人奏  
 聞何人物色取名至京馬士英何以獨知其偽既是  
 王昺姪孫何人舉發內官公侯多北來之人何無一  
 人確認而泛云自供高夢箕前後兩疏何不發抄此  
 事關天下萬世是非何可不慎江督袁繼咸言太子  
 移氣移體必非外間兒童所能假襲王昺原係巨族

高陽未聞屠害豈無父兄群從何以隻身流轉到南  
 望陛下勿信偏辭使一人免向隅之泣則宇宙享蕩  
 平之福矣各疏上王惟以王之明自供其明將審明  
 節畧諭之而已四月左良玉稱奉太子密旨舉兵南  
 下至九江江督袁繼咸請赦太子以止之王切責不  
 聽五月十一日王師薄南都王奔南都士民出太  
 子於獄奉之監國十四日同趙之龍出降北去  
 順治二年乙酉三月十三日福王故妃童氏自越其  
 僕所至命付錦衣衛監候氏故周府宮人洛陽破氏






逃至尉氏縣與王遇於旅邸相依生一子王之南也  
妃與太妃各散不相顧已迎太妃於河南陳潛夫奏  
妃故在王勿名至是自其傑所至王益不悅劉良佐  
言童氏必非假冒馬士英亦言苟非至情所關誰敢  
與陛下為敵體王終不應命馮可宗鞠之氏細書入  
宮年月及相離情事甚悉求可宗呈覽王棄勿視可  
宗亦辭勿審改命屈尚忠嚴刑拷掠氏號呼詛罵尋  
死獄中

馬阮之奸

順治元年甲申五月福王僭立於江南進馬士英東  
閣大學士仍督師鳳陽士英大怒陰令劉澤清高傑  
疏趨史可法督師淮揚可法出土英遂入閣兼掌兵  
部事

八月中旨傳陞張有譽為戶部尚書時欲起用阮大  
鍼故先以清望傳陞有譽  
吏部尚書張慎言罷士英慮慎言秉誼大鍼終不能  
起乃令劉孔昭湯國祚趙之龍等攻去之





三藩紀事本末 卷一  
馬士英奏薦逆案阮大鍼以知兵賜冠帶陞見初大  
鍼被斥居江寧與士英及守備大監韓贊周深相結  
福王僭立贊周屢稱大鍼才于固已心識之及士英  
以邊才薦遂命陞見高弘圖請下九卿會議士英曰  
會議則大鍼必不得用弘圖曰臣非阻大鍼舊制京  
堂必會議姜曰廣亦如弘圖言士英遂言魏忠賢之  
逆非闖賊可比弘圖曰廣於已所愛者即曰先帝無  
成心於已所惡者即曰成案不可翻欺罔莫甚於是  
於是劉宗周言祖宗故事九列大僚必刪廷推郭維

經言案成先帝之手今將此案抹殺起用大鍼赫赫  
英靈恐有餘恫羅萬象言輔臣薦用大鍼或以愧世  
無知兵者然大鍼實未知兵詹兆恒言先帝異變百  
姓莫不洒血搥胸近聞燕齊之間士紳皆白衣冠聚  
兵以圖復仇一旦忽翻前案召用大鍼豈不上傷在  
天之靈下短忠義之氣呂大器熊汝霖萬元吉陳良  
弼王孫蕃左光先尹民興等各疏力爭於是士英爲  
大鍼奏辦力攻曰廣大器等月餘遂以中旨授兵部  
添註右侍郎



湖廣巡按御史黃澍入賀面糾士英奸貪不法且言嘗受獻賂偽兵部尙書周文江賄罪當斬承天守備太監何志孔復前助澍士英跪乞處分澍直前舉笏擊其背士英佯稱疾而陰賂內閣田成張執中等言王非士英不得立今逐之是背舊恩也且士英在閣主上可以優閒士英若去誰復有念主上者王遂諭留士英澍連上十疏稱自古未有奸臣在朝而將帥能立功於外者又言自魏璫竊窺神器以來實釀今禍附逆之人與薦逆之人皆有賊心乞懸諸日月以除魍魎王不聽諭澍還楚

十月以逆案楊維垣爲通政使

鎮國中尉候攷吏部朱統纘疏糾姜曰廣詞連史可法呂大器等禮科給事中袁彭年疏言中尉有奏請先啟親王叅詳可否然後給批賞奏若候考吏部則與外吏等應從通政司封進今何徑何竇直達御前宜加禁戢通政使劉士楨言曰廣勁骨戇性守正不阿居鄉立朝皆有公論統纘何人不由職司飛章越奏此真好險之尤豈可容於聖世皆不聽先是呂大



器詰奏士英賣官鬻爵敗法亂紀諸罪而曰廣事事與士英為忤故士英授意詰之大器予告去曰廣降調而換授統領為行人

內批予封疆失事太監孫呈秀原官章正宸疏爭不聽

御史祁彪佳論詔獄廷杖緝事三大弊稟擬革禁發改高弘圖言擬稟發改不審內廷何人主持使正論不容若此王切責弘圖尋予告去內傳以張捷為吏部尚書

例轉科道陸勛為僉事黃耳鼎為副使內批畱用加翼戴恩進士英太子太師蔭錦衣衛指揮僉事九月叙江北功加少傅兼太子太師建極殿大學士十二月以南臨恩進少師明年二月叙殿工恩進太保罷浙江巡撫黃鳴俊降調浙江巡按任天成以許都餘黨復叛故也并議前任巡按左光先罪光先係光斗弟與大鉞世仇又首劾士英大鉞故借事陷之蘇松巡撫祁彪佳言許都之變實發於東陽義烏浦江皆無堅城光先事竣出境聞變復還調兵措餉宵夜





經營變起不一月元兇授首既不錄其功豈可反以  
 激變罪之乎於是士英大鉞并恨彪佳遂嗾御史張  
 孫振論其奸貪罷之  
 起越其傑巡撫東萊其傑以貪遣戍以士英妹婿起  
 用  
 名降獻賊劉喬至京補原官僑以玉杯古玩進張獻  
 忠卽用爲錦衣都督左良玉恢斬黃僑削髮逃去士  
 英納僑賄遂復原官  
 士英請免府州縣童生應試分上中下戶納銀若干

卽赴院試又行納貢助工等例於是民間有掃盡江  
 南金填塞馬家口之謠  
 布衣何光顯上疏請誅士英詔戮於市籍其家  
 以楚宗朱盛濃爲池州府推官盛濃疏劾御史黃澍  
 毀制辱宗貪賍激變故士英擢之立命逮澍江督袁  
 繼成代爲申理乃止澍匿左良玉軍中良玉由是有  
 隙  
 二年乙酉二月以阮大鉞爲兵部尙書賜蟒服大鉞  
 雖長兵部專職江防軍事一切不問引所善蔡琛唐





世濟張孫振袁弘勳等布列要路撓六部權任劉應  
賓文選濁亂銓政擢私人林有本王錫袞等二十餘  
人為給事御史江督袁繼咸薦鄧林奇為總兵大鉞  
索賄既足始給勅印白丁隸役賄至立躋大帥時有  
職方賤如狗御督滿街走之謠

賜中書舍人林翹一品武銜翹善星術決士英必大  
用士英薦授中書舍人尋躋一品武銜蟒服趨事  
以被勘杭州府推官黃端伯為禮部主事端伯入京  
稱姜曰廣逆謀有狀故有是擢

以楊維垣為左副都御史大鉞得志專務報復與維  
垣謀盡殺東林復社諸人時有狂僧大慧出語不類  
為總督京營戎政趙之龍所獲下詔獄大鉞因與維  
垣及張孫振謀令引諸人擁潞王則一網可盡因造  
十八羅漢五十三參之目海內人望無不脩列納之  
大慧袖中大獄將興會上游告急而止

倉場尚書賀世壽僉都御史郭維經告病去大鉞密  
遣人劫之江中

殺禮部主事周鑣原任武惠道雷績祚鑣鍾從兄以





附東林而續祚與大鉞有隙因於從逆案內奏三人宜連坐遂殺之

四月初一日命各衙門印文盡去南京二字禮部管  
紹寧印被竊謀於士英因請於王各衙門俱改鑄另  
給

初四日寧南侯左良玉舉兵東下馳疏云竊見逆賊  
馬士英出自苗種性本凶頑臣身在行間無日不聞  
其罪狀無人不恨其奸邪先帝皇太子至京道路洵  
傳陛下屢發矜慈士英以真爲假必欲置之於死而

後快臣前兩疏望陛下從容審處猶冀士英夜氣稍  
存亦當剔腸悔過以存先帝一綫不意奸謀日甚一  
日臣自此不與奸賊共天日矣臣已提師在途將士  
裂目指髮人人思食其肉臣恐百萬之衆發而難收  
震驚宮闕且聲其罪狀正告陛下仰祈剛斷與天下  
共棄之自先帝之變人人號泣士英利災擅權事事  
與先帝爲難欽案先帝手定者士英首翻之要典先  
帝手焚者士英修復之思宗改謚明示先帝不足思  
以絕天下報仇雪恥之心罪不容於死者一也國家



提衡文武全恃各器鼓舞人心自賊臣竊柄以來賣官鬻爵殆無虛日都門有職方賤如狗都督滿街走之謠如越其傑以貪罪遣成不一年而立陞巡撫張孫振以賍污絞犯不數月而夤緣僕少袁洪勳與張道澹皆詔獄論罪者也借起廢竟復原官如楊文驄劉泌王燧黃鼎趙書辦等或行同犬彘或罪等叛逆皆用之於當路凡此之類直以千計罪不容於死者二也閣臣司票擬政事歸六部至於兵柄尤不得兼握士英已爲首輔猶復掌樞是弁髦太祖漢度且又

引其腹心阮大鍼爲添設尚書以濟其篡弒之謀兩子梟獍各操重兵以爲呼應司馬昭復見於今日罪不容於死者三也陛下選立中宮典禮攸關士英居爲奇貨先擇其尤者以充下陳罪通於天而又私買歌女寄養阮大鍼家希圖進選計亂中宮陰謀叵測罪不容於死者四也陛下卽位之初恭儉神明士英百計詭惑進優童艷女損傷盛德每對人言惡則歸君罪不容於死者五也國家遭此大難須寬仁慈愛以收人心士英自引用阮大鍼以來睚眦殺人如雷





三藩紀事本末 卷一  
續祥周鑣等煅煉周內株連蔓引尤其甚者借題三  
案深埋陷穽將生平不快意之人一網打盡令天下  
士民重足解體罪不容於死者六也九重秘密豈臣  
子所敢言士英遍布私人凡陛下一言一動無不窺  
視又募死士竄伏皇城詭名禁軍以觀陛下動靜曰  
廢立由我罪不容於死者七也率土碎心痛號者先  
帝殉難皇子猶存前此定王之事海內至今傳疑未  
已况今皇太子授受分明臣前疏已悉士英乃與阮  
大鍼一手握定不畏天道神明不畏二祖列宗不畏

天下公議不畏萬古綱常忍以先帝已立七年之嗣  
君爲四海謳歌訟獄所歸者付之幽囚天昏地慘神  
人共憤凡有血氣皆欲寸磔士英大鍼等以謝先帝  
此非臣之私言諸將士之言也非獨臣標將士之言  
天下忠臣義士愚夫愚婦之公言也伏乞陛下立將  
士英等肆諸市朝傳首四方用抒公憤臣等束兵計  
刻以待不禁大聲疾呼激切以聞士英大懼專理部  
事不入直左兵由九江安慶至建德順流而下士英  
遣朱大典阮大鍼黃得功劉孔昭等禦之而撤劉良



三藩紀事本末 卷一  
佐等以從時大兵已過山東徇徐州下亳泗史可  
法血疏告急大理少卿姚思孝御史喬可聘成友謙  
等皆云良玉非叛請無撤江北兵十九日王諭士英  
左良玉雖不該興兵逼南京然看他本上原不會反  
叛如今還該守淮揚不可撤防江兵士英厲聲指諸  
臣言此皆良玉死黨爲遊說其言不可聽寧可君臣  
同死於清不可死於左良玉手有異議者斬王嘿然  
未幾良玉死左夢庚敗於采石論功晉大鉞太子太  
保

五月王師渡江圍江寧王奔蕪湖士英以黔兵與  
大鉞奉太妃走浙江兵至廣德州知州趙景和言彼  
不奉王而奉太后詐也閉門拒守士英攻破之殺景  
和至紹興紹人猶未知王存亡原任九江僉事王思  
任因上疏言戰鬪之氣必發於忠憤之心忠憤之心  
必發於廉恥之念事至今日人人無恥在在不憤矣  
所以然者南都定位以來從不曾真真實實講求報  
雪也主上寬仁有餘剛斷不足心惑奸相馬士英爰  
立之功將天下大計盡行交付而士英公竊大阿肆



無忌憚窺上之微而有以中之上嗜飲則進醞醪上  
悅色則獻妖淫上喜音則進優鮑上好玩則奉古董  
以為君逸臣勞而以疆場擔子一肩卸與史可法又  
心忌其成功而決不照應之每一出朝招集無賴賣  
官鬻爵攫盡金錢四方狐狗輩願出其門下者得一  
望見費至百金得一登簿費至千金以至文選職方  
乘機打劫巡撫總督見兌即題其餘編頭修脚服錦  
橫行者不在話下矣所以然者士英獨掌朝綱手握  
樞柄知利而不知害知存而不知亡朝廷篤信之以

至於此也茲事急矣政本閣臣可以走乎兵部尙書  
可以逃乎不戰不守而身推重兵口稱護太后之駕  
則聖駕獨不當護耶一味欺蒙滿口誦說英雄所以  
解體豪傑所以灰心也及今猶可呼號泣名之際太  
后宜速趨上照臨出政斷酒絕色臥薪嘗膽立斬士  
英之頭傳示各省以為悞國欺君之戒仍下哀痛罪  
已之詔以昭悔悟則四方之心猶可復鼓又上書  
士英言閣下政本自由兵權獨握只知酒色逢君門  
墻固黨從不講戰守之脩以致乘輿播遷謀國至此





卽喙長三尺何以自解以愚上計莫若明水一盃自  
芻以謝天下苦仍逍遙湖上潦倒煙霞效賈似道之  
故轍千古笑齒已經冷絕再不然如伯嚭渡江則我  
越乃報仇雪恥之邦非藏垢納汙之地職當先赴胥  
溝乞素車白馬以拒閣下至杭州熊汝霖責士英當  
從王士英無以應杭州破士英走錢塘 王師追躡  
之斬其五百級

魯王監國紹興張國維首叅士英悞國十大罪士英  
懼不敢入朝而依方國安於嚴州時大鉞投朱大典  
於金華士民檄逐之乃亦送於國安軍未幾 王師  
復敗士英兵於餘姚國安兵於富陽已士英率衆渡  
江窺杭州復大敗

三年丙戌六月 王師渡錢塘江士英國安計劫魯  
王來獻王脫去阮大鉞同謝三賓宋之晉蘇壯等來  
降

唐王僭立於福州士英擁兵求入關王以其罪大不  
許

八月 王師討湖賊吳易并獲士英 詔俱斬之而





野史則云士英遁至台州來降於王師已降大兵  
執唐王於順昌搜龍扛得士英大鉞及方國安父子  
方逢年請駕出關為內應疏在已降後大鉞方遊山  
自投崖死仍戮屍斬士英等四人於延平城下妻子  
給賜兵丁刻志於大鵬同鄉

王師抵鎮江知府某

推官某丹徒令某俱死之巡撫霍達遁狗常州蘇州  
下之蘇州在籍諭德徐沂舉人楊廷樞携一女俱赴  
水死而野史則云廷樞留髮遁居芝塢至丁亥始被  
執書血衣以遺其孤有惜時命之不猶未登朝而食  
祿值中原之多難遂蒙禍以捐生其年則丁亥之歲

三藩紀事本末卷二

青浦楊陸榮采南氏編

王師平南浙

順治二年乙酉五月二十日 王師抵鎮江知府某  
推官某丹徒令某俱死之巡撫霍達遁狗常州蘇州  
下之蘇州在籍諭德徐沂舉人楊廷樞携一女俱赴  
水死而野史則云廷樞留髮遁居芝塢至丁亥始被  
執書血衣以遺其孤有惜時命之不猶未登朝而食  
祿值中原之多難遂蒙禍以捐生其年則丁亥之歲





三藩紀事本末 卷二  
其日爲孟夏之終方隱遁夫山鳩忽罹陷於羅網雖  
云突如其來亦已知之久矣生平所學至此方爲快  
然千古爲昭到底終爲不沒但因報國無能懷忠未  
展是人臣未竟之志辜累朝所授之恩等語復賦絕  
命詩十二章已見土巴二帥不順命十二月斬於松  
陵之泗州橋上太倉旣下諸生王湛與兄淳復舉兵  
圍城兵敗淳赴水死湛沒於陣六月我貝勒留兵二  
千駐吳閭大軍悉趨杭州掠嘉興而過時潞王常澆  
在杭撫按請命奉書迎降錢塘知縣顧咸建臨安知

縣唐自綵俱被執不順命死而嘉興士紳屠象美等  
復集兵據城守 大兵還攻半月而破在籍吏部尙  
書徐石麒死焉閏六月八日 我兵入吳淞時吳淞  
副總兵吳志葵煽惑作亂 王師偵知遂令偏將率  
兵二千入據之七月初四日屠嘉定縣在籍通政使  
侯峒曾死之峒曾集衆守城 大兵攻之不能下大  
雨城壞遂入之峒曾先驅二子元演元潔沈後河乃  
赴水死邑人進士黃淳耀與弟淵耀對縊於城西僧  
舍舉人張錫晉自經死妾何抱女赴水死秀水教諭



董用圓與兄用廣赴水死諸生馬元調唐全昌夏雲  
蛟俱死之全昌妻亦從死七月初七日屠崑山崑丞  
閻茂才遣使迎降崑民殺茂才推原任狼山副總兵  
王佐才爲主貢生朱集璜及周室瑜陶琰陳大任等  
共起兵據城參將陳宏勛原任知縣楊永言助之  
大兵至詭稱神武新詔至城門啓兵遂入永言遁佐  
才被執殺集璜同門人孫道民張謙投河死室瑜與  
子朝鑛同死室瑜妻諸被執不辱死朝鑛妻王自縊  
死琰自縊死大任與妻張子思翰皆死之時以守禦

死者蘇達道莊萬程陸世鏗陸雲將歸之甲周復培  
陸彥冲代父死者沈徵憲朱國軾救母死者徐洛自  
盡者徐澂王在中吳行貞八月初三日屠松江府兵  
部職方主事章簡行人李待問死之先是在籍兩廣  
總督沈猶龍與義兵頭目蔡喬據城守初三日大  
兵下青浦謀至猶龍猶未信日西哺我兵詭稱黃  
蜚解奸細至門啓遂入時城中已伏內應兵乍入城  
上悉改張大清旗幟簡待問俱被執不順命死猶  
龍出奔蔡喬遁入海華亭教諭睦明永投縲死御史



夏允彝諸生戴弘赴水死徐念祖與妻張妾子女七人闔門自縊死允彝兄之旭子完淳後涉吳兆勝之難之旭自縊完淳被殺先是黃蜚兵多以青白布纏其首大兵效之潛於城中至是去布悉辮髮者初六日襲破黃蜚吳志葵水師蜚投水死志葵乞降不許殺之參志葵軍事嘉興舉人傅凝之投水死二十日破金山衛守將指揮使侯承祖及子士祿死之松城破總鎮李成棟以書招承祖不應厲志堅守卽妻子亦不令出城避難二十日大兵薄城城上矢石

雨下兵不得乘大兵以竹梯援城上守城兵士用防牌蔽矢隨登隨斫旣而西北脩稍弛乃以小舟壘城下蟻附而登城遂破承祖及二子俱被執長子士祿大罵不順命叢射死成棟欲降承祖承祖不從戮之成棟稱承祖爲江南第一忠臣特宥其少子令殮父屍歸葬破江陰屠之先是六月中諸生許用倡城守應者數萬人以陳明遇主兵徽人邵康公爲將前都司周瑞龍泊江口相犄角戰不利乃請故典史閻應元入城主兵事王師圍攻堅守不下八月二十



一日從祥符寺後城入乃下用明遇舉家自焚死應  
元赴水曳出斬之訓導馮厚敵冠帶自縊於明倫堂  
弟與妻王赴井死中書舍人戚勛舉人夏維新諸生  
王華呂九韶皆死之城中死者數萬人時有貢生王  
毓祺者與徐趨起兵行塘以應城內城陷兩人俱逸  
去明年冬偵江陰無備率壯士十四人襲之不克趨  
被執論死毓祺又逸去獲於江寧臨刑命取襲衣自  
斂跌坐而逝十一月十三日破崇明先是九月中成  
棟督兵渡海攻崇明不克引還至是入之初我兵

之下杭州也 王師散遣官吏招撫浙東郡縣其先  
後失事死者杭州在籍同知王道焜投縊死山陰在  
籍蘇松巡撫祁彪佳赴池水死在籍左都御史鄭宗  
周不食死行人陸培自縊死海寧舉人祝淵投縊死  
會稽諸生王毓著先遺宗周書云願先生早自決無  
爲王炎午所吊隨自投柳橋河死儒士潘集袖石自  
沈死周卜年赴海死明晨海濤湧尸上冠履不失山  
陰朱瑞投江死原任大學士高弘圖流寓紹興城外  
不食死而二年乙酉閏六月起兵江北徽州者則有



左僉都御史金聲聲聞南都陷集義於徽之績溪分兵扼六嶺在籍山東巡撫寧國丘祖德職方郎中涇縣尹民興徽州推官溫璜貴池副榜吳應箕等多應之唐王授聲以僉都兼兵侍摠督諸道軍拔旌德寧國諸縣九月御史黃澍完髮來歸聲信之遂爲內應城破聲與門人江天一同就執行至某所天一笑謂聲曰一泓清絕洵足怡人意欲聲同盡此也聲曰丈夫死則死耳當與天下共見之至江寧內院洪承疇諭降天一朗誦懷宗御祭承疇文以誚之遂被戮聲

亦隨見殺時丙戌三月十五日也應箕亦被獲見殺祖德退還山中 大兵攻拔其寨傑死諸生麻三衡沈壽蕘吳太平阮恒阮善長劉鼎甲胡天球馮百家及祖德子某俱死之璜猶嚴兵守郡城城紳黃澍以城獻璜先殺長女語妻茅同難茅匿其幼子遂整衣臥璜以刀截其喉少頃茅呼曰未也再刃乃絕璜自刎不殊絕粒五日以手抉其劍乃死祖德之死也有徐淮者與吳漢超收其潰軍連破句容溧水高郵溧陽涇太平諸縣三年丙戌正月襲寧國兵敗漢超入



見曰首事者我也剖其腹胆長三寸妻戚投樓下死  
同時舉兵先後被難者有青陽知縣龐昌胤漂陽諸  
生謝球鹽城諸生司石磐都司豐某之屬

又顯赫于其時... 亦謂其途... 大共文... 其泰...

王師平閩

順治二年乙酉五月 我朝使內院洪承疇招撫江  
南御史黃熙胤招撫福建熙胤晉江人與鄭芝龍同  
里芝龍密遣使通欵我 朝唐王每遣芝龍出兵芝  
龍每以餉缺為辭三年丙戌六月 王師平浙東芝  
龍聞渡江信遂撤守關兵 王師至仙霞嶺關門無  
一守兵無一敵兵寂如也遲回數日從容過嶺然我  
兵入閩或由建或由汀或由福寧俱走山谷間不必  
仙霞也八月 大兵入建寧至浦城科臣黃大鵬上

三藩紀事本末 卷二 六





游四郡巡撫鄭爲虹死之爲虹僕陳龍從焉原任浦城千戶張萬明及子都司張翹鸞都督洪祖烈俱死之爲虹故浦城知縣王聞其賢名爲御史士民相率乞留乃令以御史巡視仙霞關尋擢巡撫大兵至爲虹亟還浦城縱士民出走遂與大鵬同被執以死初王之在福州也知芝龍不可恃而楚撫何騰蛟江右楊廷麟咸有疏迎芝龍還安平王遂赴贛八月二十一日啟行從延平趨汀州王師尾之破延平知府王士和死之士和崇禎時舉人王擢之守延平警

報疊至士和曰我以書生不一月忝二千石安敢偷生遂投繯死禮部尙書曹學佺通政使馬思理自縊死御營摠兵胡上琛護王至汀王被執上琛奔還福州拜辭祖廟與妾劉同飲藥死給事中熊緯扈行至汀死於兵其後聞王被難而死者大僕寺少卿王瑞柎自縊死御史艾南英縊於僧舍我貝勒駐福州別遣李成棟韓固山徇各州郡九月八日入泉州大學士蔣德璟絕食死十五日下汀州十九日下漳州閩地悉平惟芝龍屯安平以前通欵之信未回猶豫未



敢迎師又自以先撤關兵無一矢相遺有大功而兩廣素屬部下若招以自効兩廣總督可得貝勒令泉紳郭必昌招之芝龍恐以立藩爲罪會韓固山兵逼安東芝龍怒貝勒乃切責固山令移軍而貽書芝龍曰我所以重將軍者以能立唐藩也人臣事君必竭其力力盡不勝天則投明而事建不世之功此豪傑事也今爾與未平鑄閩粵總督印以相待芝龍得書大悅子弟皆力諫芝龍不從進降表於泉州十一月芝龍至福州見貝勒握手甚懽痛飲三日夜遂挾芝

龍北去芝龍子成功入於海初唐王之立也以黃道周爲武英殿大學士與芝龍不協道周見芝龍無出師意憤激請督師出江西乙酉七月賁一月糧從廣信抵衢州募兵得九千人十一月進至婺源遇王師戰敗被獲夫人蔡氏聞之急貽書道周言忠臣有國無家勿以內顧爲念丙戌二月至江寧洪承疇遣人諭降道周不從命乃斬之與道周同事者職方主事趙士超通判毛玉潔蔡春溶毛繼謹俱死之士超死尤烈道周旣死門人陸自巖匿其元并全身瘞之





越數年夫人蔡氏令長子霓迎喪東歸葬於於贈公之側士超等四人葬於道周之側

金王收江西

順治乙酉四月英王追闖賊至九江寧南侯左良玉子夢庚率所部三十六營來降王北旋携降將俱北惟後營摠兵金聲桓請於王願收江省自効王許之乃命闖部降將王體忠合營屯潯規進取六月聲桓先遣牌招撫江西巡撫曠昭故選儒率先遁士民送欵聲桓十九日聲桓入南昌南康九江不煩兵而下而舊撫標將白之裔鄧武泰駐袁吉以兵扼峽江湖東分巡道王養正與布政夏萬亨建昌知府王域推





官劉允浩南昌推官史夏隆輔益藩起兵建昌軍報  
旁午聲桓令前營劉一鵬禦峽江屬體忠備撫建七  
月體忠率兵下撫州趨建昌時有保寧王者自河南  
來好談兵益藩倚信之而私通於體忠及戰保寧從  
陣後以火箭傷象兵遂敗三日城破益藩被執殺詳  
具益藩擾湖東王養正等五人俱被執械至南昌殺  
之養正妻張氏絕粒九日死萬亨妻顧氏子婦陸氏  
一孫一孫女同赴井死夏隆自南昌來避與其難者  
也諸生鄧思銘被執不屈叢射死屬縣皆降新昌舊

知縣譚夢開迎降爲縣民所殺知縣李翔與監軍張  
家玉御史徐伯昌共城守家玉戰敗入關城破翔與  
伯昌死之而一鵬亦破峽江兵武泰死之攻袁州同  
知署府事李時典力城守守將胡纓兵潰時典自縊  
於萍鄉官舍遂收吉安長驅至萬安萬安知縣梁於  
漢死之八月二十五日聲桓矯殺體忠以忠部將王  
得仁代而是時益宗永寧王慈炎復舉兵克撫建屯  
兵進賢縣既以糧不繼退守撫州聲桓令得仁率兵  
來爭時吏部文選司主事曾亨應者家臨汝初同益



藩起兵益藩敗復捐貲聚衆歸永寧得仁夜率百騎  
潛至臨汝圍亨應宅執亨應殺之亨應從叔杞從弟  
之璋之球之琦子筠俱死焉初亨應舉事時自斷爪  
嚙血裹而瘞之于筠亦時語人曰我一門已登鬼籙  
父子立志徇國如此永寧守撫州糧不繼乃退保建  
昌得仁追及被獲死焉三月破寧州監軍許文龍死  
之文龍起兵寧州聲桓遣人招之不從率兵逐我所  
置官吏屯兵奉鄉聲桓乘間破寧州遂攻奉鄉圍守  
三月糧盡乃走保界首若食復盡被擒死之是月也

吉安復失職方主事郭錕死之先是乙酉九月劉同  
升結忠誠社於贛州與李永茂恢復吉安丙戌春  
王師來爭副將劉必達戰敗赴水死會廣東援兵至  
大兵退駐峽江至是克之四月破廣信巡撫周定  
仍副使胡奇偉兵部侍郎詹兆恒御史胡夢泰兵部  
員外萬文英同知胡甲桂貴溪舉人畢貞士俱死之  
初黃道周提兵出江西命詹兆恒以兵侍協守廣信  
御史胡夢泰拜疏請出湖東後遂擢右僉都巡撫其  
地文英奇偉俱奉命協守甲桂以永州同知道梗改



授而夢泰則以郡人奉使旋里者也得仁破安仁貴  
溪定仍督副摠姜天衢戰連湖 我兵小却已戰小  
箬渡及河口遂大捷城破定仍自縊死文英赴水死  
妾胡從之奇偉被執殺於南昌衛前甲桂自經於幽  
室貞士先赴水家人救之行至五里橋望拜祖塋觸  
橋柱死夢泰夫婦同縊死兆恒奔懷玉山復糾衆攻  
衢之開化兵敗歿於陣江西悉平惟贛州未下

李成棟平粵東

順治二年丙戌 大兵既平閩十二月我巡撫佟養  
甲摠兵李成棟由閩趨惠潮下之潛師襲廣州先是  
十一月唐藩弟聿鏐浮海至廣閩中舊相蘇觀生何  
吾駒與布政使顧元鏡侍郎王道華曾道唯奉王監  
國僭改元紹武召海上鄭石馬徐四姓盜爲摠兵時  
永明已自立於肇慶使給事中彭耀主事陳嘉謨至  
廣曉譬倫序監國先後觀生殺耀於市嘉謨亦死之  
觀生遂率兵而西職方主事陳邦彥自廣至肇見永



明王王以東事爲問邦彥曰彼疆我弱以戰則非計  
彼曲我直以和則非名北師已迫觀生若懼當求和  
於我如其不然粵東十郡我據其七而使其三代我  
受敵不亦可乎已而巡撫林佳鼎與廣州將陳際泰  
戰於三水際泰敗旣與林察戰於海佳鼎故粵中監  
司與察同姓相善察因使四姓盜僞降迎佳鼎佳鼎  
信之舟至三山口亂作全軍俱沒佳鼎赴水死肇慶  
大震而廣州失援至是成棟襲之用惠潮符印爲文  
書給廣州報平安故觀生不設脩十五日成棟令前

軍效廣軍裝束直抵城下是日觀生方隨聿鏘視學  
或報大兵臨城觀生猶以爲海上盜也叱而斬之  
大兵入東門觀生始倉卒召兵不能集城遂破聿  
鏘投繯死周益遼等二十四王皆及於難祭酒梁朝  
鐘自刎死太僕卿霍子衡與妾莫氏子應蘭應荃應  
芷子婦梁氏徐氏區氏同赴井死時有梁鏊者妾人  
也觀生每才之用爲吏科給事中至是觀生走問計  
鏊曰死爾復何言觀生入西房鏊入東房抗吭氣湧  
有聲觀生以爲鏊死矣乃自縊明日鏊獻觀生屍來



降吾騶應華元鏡等俱來降二十三日成棟別遣兵  
狗南韶而親下肇慶二十五日報至肇慶王上西峽  
四年丁亥正月奔梧州走平樂成棟入肇慶別遣副  
將楊大福張月狗高雷廉三府而自率兵趨梧州二  
十九日一鼓入之巡撫曹燧降王走桂林時南韶二  
府亦報捷乃別遣副將取瓊州時丁魁楚在岑溪成  
棟使杜永和襲而殺之藤江遂下平樂高雷廉俱報  
捷廉州推官張孝起謀與復兵敗妻妾俱赴海死孝  
起羈軍中後成棟叛擢孝起巡撫其地成棟敗後廉

州復失孝起死之四月定瓊州方警報之登至也王  
震恐適武岡鎮劉承胤兵至全州王遂奔全而以瞿  
式耜守桂林 大兵薄桂林式耜與總兵焦璉力城  
守承胤奉王赴武岡以三千人援桂乏餉潰歸桂林  
垂破會給事中陳邦彥在高明聞桂林圍急乃走說  
甘竹灘盜魁余龍乘虛襲廣州巡撫養甲飛檄召成  
棟於桂林揚言順道徑取甘竹龍聞急歸而桂圍亦  
解於是邦彥起兵高明陳子壯起兵九江邨霍師連  
起兵花山張家玉起兵東莞粵東大擾

詳見未幾殲  
襍亂





家玉於龍門戕邦彥師連於清遠破子壯於高明粵地復定

重如會餘事申刺我... 左陳官林林... 莫怒敵短阿... 隊對大... 三藩紀事本末 卷二 三

魯藩據浙東

順治二年乙酉六月原任山西僉事鄭之尹之子遵謙殺我招撫使於江上與張國維方逢年等迎立魯王以海於台州在籍大學士朱大典亦上表勸進即日移駐紹興國維逢年大典俱拜大學士封方國安荆國公守嚴州張鵬翼永豐伯守衢州遵謙義興伯王之仁武寧伯國維督師江上子世鳳為平鹵將軍七月復富陽八月復於潛十月王師至固安國維率王國斌趙天祥禦之戰於草橋門天大風雨火炮






三藩紀事本末 卷二  
其  
弓矢不得發急收兵故不甚敗會唐王自立於閩中  
頒詔至諸求富貴者爭欲應之魯王下令返台國維  
馳疏閩中言國當大變凡爲高皇子孫臣庶所宜同  
心并力共圖興復成功之後入關者王且監國當人  
心渙散之日鳩集爲勞一旦南拜正朔鞭長不及悔  
莫可追疏上乃止然浙閩自是水火矣自草橋門敗  
後諸將無敢復言戰者王之仁上疏言事起日人人  
有直取黃龍之志乃一敗後遂欲以錢塘爲鴻溝天  
下事尙何忍言臣願帥所部沈船一戰今日欲死猶

戰而死他日卽死恐不能戰也三年丙戌三月一日  
我兵開堰入江國維之仁統水師襲戰是日東南  
風大起之仁揚帆奮擊國維遂同諸軍渡江圍杭州  
不克而還四月我貝勒屯兵北岸以江涸可試馬用  
大炮擊南營方國安軍廚竈皆碎國安曰此天奪我  
食也遂欲投閩五月二十七日拔營走紹劫王南行  
二十八日江上各營聞報俱潰走遵謙入海國維振  
旅追扈六月一日大軍畢渡江禮部尙書余煌衣  
冠赴水死國安決計獻監國來降遣人守監國會守



者病監國得脫登海航命國維遏防四邑圖後舉二  
十五日 大兵入義烏或勸國維入山國維曰悞天  
下事者文山疊山也赴池水死兵部侍郎陳函輝自  
經死禮部侍郎王思任不食死大理寺少卿陳潛夫  
妻孟氏妾孟氏夫妻姊妹聯袂沈河死兵部主事葉  
汝蘅妻王氏同赴水死兵部主事高岱絕食死子諸  
生朗赴水死通政使吳從魯不薙髮死鄭之尹赴水  
死諸暨諸生傅日炯山陰諸生朱瑋赴水死蕭山諸  
生楊雪門自縊死鄞縣諸生趙景麟赴泮池死浦江

諸生張君正自縊死瑞安諸生鄒欽堯永嘉諸生鄒  
之琦赴水死 我兵至金華朱大典厲兵固守 我  
兵以紅衣大砲破之大典閤門自焚死西席武進鄭  
邠亦與其難張鵬翼守衢州副將秦應科為我內應  
城破鵬翼及樂安王楚王晉平王皆被殺巡按兼視  
學政王景亮知府伍經正推官鄧巖忠皆自死江  
山則知縣方名死焉餘皆望風迎附兩浙悉平方國  
安方逢年薙髮來降八月誅之延平城下王南奔至  
石浦定西侯張名振護王航海至舟山舟山守將王





斌卿不納王浮海至厦開鄭芝龍已降於我乃走南  
澳四年丁亥王命鄭彩王大振阮進張名振等共討  
殺斌卿時閩中舊相張肯堂以私財募兵海上王貽  
書肯堂云將北還舟山約肯堂共事五年戊子大學  
士劉中藻恢福寧州與平夷侯周崔芝相犄角連復  
建寧邵武興化三府及漳浦海澄等二十七縣軍聲  
頗振溫台響應六年己丑王還舟山以張肯堂爲東  
閣大學士八年辛卯 王師破福寧州中藻敗兵部  
右侍郎林汝翥員外郎林塗歿於陣閩中所復州縣

相繼俱失福安破大學士劉中藻衣冠坐堂上爲文  
自祭服金屑死興化破大學士朱繼祚叅政湯芬給  
事中林崙知縣都廷諫死之海澄破知縣洪有文死  
之永福破邑人給事中鄒正畿御史林逢經投水死  
長樂破邑人御史王恩及服毒死妻李氏同難建寧  
破守將王祈自焚死台州破督餉知縣沈履祥被獲  
見殺 王師遂逼舟山王復航海令肯堂城守城破  
肯堂南向坐令四妾一子婦一女孫先死乃自經同  
死者兵部尙書李向中禮部尙書吳鍾巒吏部侍郎



朱永祐安洋將軍劉世勳左都督張名揚通政使鄭  
遵儉兵科給事中董志寧兵部郎中朱養時戶部主  
事林瑛江用楫禮部主事董元兵部主事朱萬年顧  
珍臨山衛李開國工部主事顧宗堯中書舍人蘇兆  
人工部所正戴仲明定西侯參謀顧明楫諸生林世  
英錦衣指揮王朝相太監劉朝王航海之明年兵部  
侍郎沈廷揚督舟師北上福山被獲死之向中被執  
我帥呵之曰聘不至捕而至何也向中對曰向則辭  
官今就死爾 大兵至寧波鍾繼渡海入昌國衛之

文廟抱孔子木主積薪左廡自焚死永祐被執請爲  
僧不許殺之名揚名振弟抱母范自焚朝相聞城破  
護王妃陳氏貴嬪張氏義陽王妃杜氏入井以巨石  
覆之自刎其旁開國之母瑛及明楫之妻皆自盡十  
一年甲午鄭成功奉王居金門初至禮待甚恭既益  
懈王積不能平成功嚙之未幾王將往南澳成功使  
人沈之海中



益藩擾湖東

附傳揭

益王名由本封建昌兩都繼沒郡紳勸王舉兵郡儀  
賓諸生鄧思銘言王身兼臣子宗社傾危豈容坐視  
因首建庠兵之議以贍財者助餉負才者叅謀有勇  
者出戰王大感動然年少柔仁不習武事乃悉以戰  
守機宜委郡藩永寧王慈炎及羅川王某主之於是  
羅川王與東鄉艾命新艾南英謀因以書約諸紳士  
同仇共義募集劉琦楊獨龍僧丹竹等三十六人就  
南英家插血誓盟得義勇七八千人王謝二紳各捐



賁助餉兵勢稍振時順治二年乙酉六月也時有保  
寧王者自河南來好談兵王倚信之而保寧私與我  
將王體忠通約爲內應王不知也雲南總兵趙印選  
以象兵赴援南都不及而反路出建昌王留之助戰  
戰初合保寧從陣後以火箭傷象兵師遂潰王奔旗  
塘佛舍已歸唐王於福州福州破被執見殺永寧走  
寧都遂入粵招蕭閻兵圖興復先一日蕭陞閻總夢  
紅日臨其門翌日而永寧至以爲吉徵遂與同事提  
兵出湖東復建昌乘勝拔撫州及進賢縣先是永寧

之走寧都也羅川與艾命新拔撫州而不能守退而  
許灣招集貴東安仁兵近二萬永寧復撫建羅川率  
兵來合約分道進恢江省會粵兵與羅川兵爭舍羅  
川亟出止之流矢中其喉而卒永寧以糧餉不繼棄  
進賢守撫州我將王得仁率兵圍之糧復匱將退保  
建昌爲得仁追獲死焉

甲申之變原任福寧州知州揭重熙同副總兵洪日  
升起兵勤王至南京授吏部考功司主事以艱歸順  
治三年乙酉南京破江省亦入版籍重熙復招集鄉



勇徐組綬萬民望王宏等起兵湖東會益藩兵起重  
熙走謁請急臨省會事不果我將王體忠圍建昌重  
熙提兵來援戰於許灣而敗吏部主事王兆熊劾之  
既以曾櫻薦唐王復授重熙攻功員外兼兵科給事  
中從傅冠辦湖東兵事又令原任翰林院檢討傅鼎  
銓以原官兼兵科給事中統義師由泰寧出關名募  
瀘溪告急冠不能救重熙劾冠去兵事專委重熙永  
寧既敗重熙復趨福州統諸將進克金谿復撫州有  
衆十萬捷聞授右僉都御史代劉廣胤巡撫湖東以

諸將進止不協退保瀘溪與我兵戰於銅蒲隘師  
姑嶺及高田孔坊俱捷三年丙戌八月福州不守鼎  
銓往寧都借兵於田海忠不應因集鄉勇復宜黃駐  
兵於樂安重熙聞王師入關提兵援福州聞王赴  
贛州倍道趨贛爲我兵掩擊大潰急收散卒還攻  
撫州破之而中軍洪深亦歿於陣兵士僅存千人乃  
退次王洞間行至安東金貴諸砦令聯絡以待而身  
爲日者裝入南昌以覘虛實五年戊子金聲桓以南  
昌叛首迎重熙鼎銓而兩人殊不欲駐省請任閩事



我譚固山圍南昌重熙赴粵求援鼎銓兼督兩軍與張自盛合營援南昌敗於三江口重熙至肇慶永明拜重熙兵部尙書兼右副都御史總督江西兵未及歸而南昌破沿途名募猝遇我兵戰於程鄉大敗監軍桂泓陣歿重熙身中三矢僅免金玉死其故將張自盛洪國玉等聞重熙奉新命出湖東爭來歸兵大集駐寧都石城間而鼎銓被內名不願往請再舉終江事重熙亦疏留乃拜兵部右侍郎兼翰林院侍讀學士鼎銓隨令監軍陳化龍馳檄浙東有徐孝伯


者引軍來會同駐徐博七年庚寅重熙以張自盛駐閩赴其軍約廣信曹大鎬並進甫入閩界我兵圍之數重重熙分部諸將戰數合佯北引我兵入伏中前後夾擊大捷遂徇諸郡邑皆下之進至撫州幾獲我帥八年辛卯鼎銓至廣信張村爲我守將所執江撫夏一諤諭之使降不應令以書招重熙不可八月五日見殺搜其笥先置木主書死年而空其月日自盛掠邵武戰敗被執重熙乃率數十人赴大鎬於百丈礮適大鎬還軍鉛山重熙至惟空營我兵偵



得率衆圍之射重熙中項執至建寧日求死十一月  
三日戮於南街市口未幾曹大鎬亦敗都昌督師余  
應桂亦以是歲亡江西之兵遂盡應柱者都昌人萬  
曆己未進士嘗爲御史疏劾周延儒有直聲累官兵  
部侍郎金王之亂起兵都昌率舟師援會城敗於落  
星湖已復傾貲募衆而南昌已平我濬帥楊捷以步  
騎奄至城下被執及子諸生顯臨中軍帥師俱死之

閩其軍除亂計曹大鎬並敗南入湖界外兵圖  
濬帥軍來會同提翁軒少平與黃運烈以死自盡捷





国立国会図書館 タイトル『三藩紀事本末4巻』 請求記号 222.063-Y661s

ガラス使用